

經詞

南豐吳昌瑩

雖

經傳釋詞

詞也字或作唯維亦作雖惟獨也常語也

字或作唯維亦作雖惟有也惟猶乃也惟是也惟爲也惟猶以也惟猶與也及也

凡八義

衍曰惟義同雖左傳定六年陳寅曰子立後而行吾室亦不亡唯君亦以我爲知難而行也唯雖也以謂也爲乃也言雖君亦謂我乃知難而行也趙策唯得大封齊無大異言雖得大封齊待之未有異數也楚策齊明日明說楚以伐秦皆受明之說唯公勿受臣有辭以報樗里子矣史記韓長孺傳安國所舉皆天下名士十以此慕之唯天子亦以爲國器京房傳臣去朝稍遠

唯陛下毋難還臣而易逆天意賈誼新書唯皇太子之所恃者
亦以之二國耳

之是也

以上唯字竝同雖

惟有也孟子有罪無罪惟我在書乃惟成湯

惟猶乃也孟子此惟救死而恐不贍書爾惟自鞠自苦惟王淫
戲用自絕惟家之索時惟天命文王受命惟中身天惟畀矜爾
詩餅之馨矣維囂之恥左僖四年傳惟是風馬牛不相及也此
類惟義竝如乃

惟是也論語正惟弟子不能學也賈誼治安策豈惟胡亥之性

惡哉

二說竝族司
馬嘉儀說

惟爲也歸藏易民惟邦本食惟民天書其在祖甲不義惟王之

類皆是又論語唯何甚言所爲奈何太甚也

何奈
何也

惟猶以也書予惟乙卯朝至於洛師左傳昭四年唯是不來禮
記喪禮惟哀爲主史記晉世家公問治國師曠曰惟仁義爲本
皆言以也

惟猶與也及也書乃惟四方之多罪逋逃是崇是長是信是使

又曰惟厥正人皆與也厥亦惟我周厥亦助語詞言及我周也

惟猶其也

此義釋詞不載

詩維號斯言有倫有脊集傳曰其所呼號而

爲此言皆有倫理可考是訓維爲其也天維顯思書欽哉惟時

亮天功惟刑之恤哉夙夜出納朕命惟允孟子惟心之謂與惟

竝如其義

惟猶若也

若訓爲惟則惟自訓爲若此義釋詞不載

論語惟求則非邦也與惟赤則

非邦也與言若求若赤也孟子惟士無田則亦不祭言若士無

田也惟茲臣庶惟耳亦然惟目亦然書又惟殷之迪諸臣百工
詩維熊維罷男子之祥維虺維蛇女子之祥維此哲人謂我劬
勞維彼愚人謂我宣驕左傳襄十三年唯是春秋窳窳之事昭
二十五年唯是編枌所以藉榦者史記文帝紀唯二三執政猶
吾股肱也此類惟唯維竝若訓

惟玉篇曰通爲猶則也

此義釋詞不載

書儀不及物惟曰不吉言則曰

也爾忱不屬惟胥以沈

以與也與詩載胥及溺句同義

乃不用我教辭惟我一

人勿恤汲冢周書文儆篇利維生痛痛維生樂樂維生禮禮維
生義義維生仁說苑子者親之本也無所推而不從命推而不
從命者惟害親也惟竝則義

博雅曰惟豈也

此義釋詞不載

書自作不和爾惟和哉爾室不睦爾惟

和哉言爾豈能和也史記太公世家唯獨齊為中國會盟為與也言豈特齊與中國會盟也漢書張良傳今乃立六國後唯無復立者言豈無復立也

惟猶是也時也

是與時互相為訓此義釋詞不載

書洪範篇惟十有三祀

釋詞訓惟

日發語詞

召誥篇惟二月既望謂時十有三年也時二月既望也凡

年月上皆繫以惟字祇牧誓篇發語則曰時甲子昧爽

泰誓下篇發語

日時厥明亦然厥之也謂時戊午之明日也蓋承中篇惟戊午句言

可見此時字乃惟字之變文

惟字卽時字義也凡諸篇發語之惟皆倣此

云員

經傳釋詞曰云言也曰也常語也云猶是也云猶有也或通作

員

詩元鳥箋曰員古文云

員云有也

見廣雅

云猶或也或與有古同聲而通

用故云訓爲有又訓爲或云猶如也如與或義相近云猶然也
云發語詞也云語中助詞也云語已詞也云爾云乎皆語已詞
也

凡十義

衍曰云猶是也左傳襄二十八年子之言云又焉用盟謂子之
言是也韓策然而吾弗爲云者言不如是也爲如也後漢袁術傳
雖云匹夫霸王可也言雖是也仲長統傳何子之言云云也上
云如也下云是也凡云云者皆如是訓

云有也離騷世幽昧以眩曜兮孰云察予之美惡九章篇不逢
湯武與桓繆兮孰云而知之孰云孰有也漢書馮衍傳天下存
亡誠云命也陳龜傳無所云補崔駰傳皇綱云緒帝紀乃設董
仲舒傳陛下夙夜以求賢此亦堯舜之用心也然而未云獲者

士素不厲也以上云竝有訓

云猶或也左傳成二年敝邑之幸亦云從也漢昭帝紀未云有明

云猶如也詩云胡不喜是也班固敘傳參天墜

古地字

而施化豈

云人事之厚薄哉之猶有也言豈如人事有厚薄也凡言云何竝如何也

云猶然也僖二十四年左氏傳召穆公亦云言亦然也晉語彼塞我施若無天乎云謂若無天乎然也章注訓云爲言失之

云猶其也

此義釋詞不載

詩小明章歲聿云莫蟋蟀章則曰歲聿其莫

云莫其莫一義也子之不淑云如之何心之憂矣云如之何言其如之何也瞻仰昊天云如何里言其如何憂也云誰之思謂

其誰是思也

之是也

左僖公傳歲云秋矣成公傳日云莫矣並其

義也

釋詞訓此等云字爲語助

云爾猶如此也

爾此也此義釋詞不載

論語不知老之將至云爾則可謂

云爾已矣嚴君說

有

經傳釋詞曰有猶或也有猶又也有又古同聲故有通作又又

亦通作有有猶爲也有狀物之詞也有語助也

凡五義

衍曰書無有作好無有作惡韓子有度篇竝作毋或

有猶又也論語惟恐有間言又聞也孟子邪說暴行有作

上節作又

作

左傳僖二十四年尤而效之罪又甚焉史記作有甚襄二十

八年而執事有不利焉昭八年干徵師赴於楚且告有立君二

十年昔爽鳩氏始居此地季荊因之有逢伯陵因之皆又義

有猶爲也孟子然則耆炙亦有外與言亦爲外也耳之於聲也

有同聽焉目之於色也有同美焉有同爲同也易眇能視不足

以有明也跛能履不足以有行也言爲明也爲行也

虞仲翔本
能作而

書其于爾躬有戮詩憂心有忡左傳哀八年我未及虧而有城

下之盟是棄國也昭七年雖有挈瓶之知守不假器禮也禮記

其有中士下士者雖有貴戚近習晉語聞父子愛而嘉其況

同照

有不中焉廢人以自成有不貞焉楚語是六德者皆有其華而

不實者將焉用之此類有字竝爲詞又訓因爲之爲

去聲

成五年

山有朽壤而崩言山爲朽而崩也

何侍
郎說

有猶爲也與也

此義釋
詞不載

書無弱孤有幼言孤與幼也曷不暨朕

幼孫有比言何不及朕孫與同遷也

釋詞二有字
均訓語助

茲予有亂政

同位具乃貝玉言予與治政同位之人也詩謂他人母亦莫我有亦且也言且莫我與也左傳襄二十三年請有盟二十八年言弗敢出有盟可也謂與盟也鄧析子無厚篇夫合事有不合者知與未知也言合事與不合也

有猶爲也於也

此義釋
詞不載

易利有攸往利於所往也有攸往見凶

謂於所往也王假有廟王假有家閑有家言至於廟至於家閑於家也書乃有室大競謂乃於室大強之時也

於猶當也故舊
解訓當室大強

之時以上有字
釋詞並訓語助

左傳隱十一年寡人有弟不能和協言於弟也

孟子而況有親炙之者乎

注疏作而況於
今本皆依注疏

史記蘇秦傳秦非不

利有齊而得宋地也謂非不利於也

有猶爲也則也

此義釋詞不載

中庸射有似乎君子言射則似也論語

必有寢衣長一身有半言比身則半也

何大令鸞書說

書亂罰無罪殺

無辜怨有同言怨則同也吳越春秋越王無奈傳一男不耕有

受其飢一女不桑有受其寒荀子大略篇小雅疾今之政以思

往者其言有文焉其聲有哀焉有竝則義

有猶爲也其也

此義釋詞不載

書民不適有居言不適其居也

釋詞訓有日語

助左傳僖二十二年雖及胡耆獲則取之何有於二毛何豈也

言豈其在二毛也昭元年吉若獲戾子將行之何有於諸游將

且也言吉若得罪子且放之豈其在眾游氏也二十六年若可

師有濟也言其濟也二十八年惡直醜正實繁有徒言實多其

人也列子天瑞篇夫天地空中一細物有中之最巨者難終難

窮有中其中也史記平準書有國彊者或并羣小以臣諸侯言其國彊也新序如鳧須罪之重者君猶赦之況有輕於鳧須者乎言況其輕也

有猶爲也如也

此義釋詞不載

書有王雖小元子哉言如也

若

王雖小卻

元子也詩婦有長舌爲厲之階言婦如長舌也左傳僖二十八

年成十年有渝此盟明神殛之

釋詞於此類有字多訓爲或蓋或與如同義究不若訓如更捷

直也昭元年四姬有省猶可六年有犯命者君子廢小人降二十

五年童謠有是哀三年有不用命則有常刑禮記有其廢之莫

敢舉也有其舉之莫敢廢也有皆如義檀弓云禮有微情者有

以故興物者有直情而徑行者戎狄之道也上兩句有字本訓

第三句有字如也謂禮有殺節其情者有以故興衰經之物者

如直肆徑行或哀或不哀漫無節制則戎狄之道也

唐韻正有古讀爲以是以有二字義同而用通也

此義釋詞不載

論語

皆能有養言以養也有慟乎三年有成有皆以也以通己言己

慟乎也言已成也孟子霸必有大國言必以也則其旦晝之所

爲有枯亡之矣言已枯亡也

己以通

雖有天下易生之物也雖有

惡人言雖以也詩明星有爛言星已光燦也執事有恪言以恪

也左傳僖三十年王使周公閱來聘饗有昌歆白黑形鹽言以

昌歆也宣十二年先人有奪人之心薄之也文十七年先人有

奪人之心軍之善謀也昭二十一年先人有奪人之心後人有

待其衰有義皆以也

一本作先人有奪人之心後人以待其衰蓋不知有卽以義而改有待作以待

襄

十四年我先君惠公有不腆之田與女剖分而食之二十三年

有臧武仲之智而不容於魯國三十一年禮之於政如熱之有濯也昭六年夏有亂政而作禹刑商有亂政而作湯刑周有亂政而作九刑晉語君惠弔亡臣又重有命列子今據有此鹿請

二分之呂氏春秋功名篇缶醢黃蚋聚之有酸

注黃美也言蚋聚美醢以酸故

也史記殷紀民乃有安始皇紀若欲有學法令以吏爲師宋世

家宋有前仇執楚使陳平世家有親且貴伏生傳寬爲人溫良有廉智自持而善著書漢書武帝紀贊詩書所稱何有加焉後漢陳忠傳老弱相從動有萬計袁紹傳連徒聚眾動有萬計劉陶傳雖方尺之錢何能有救其危張衡傳立言於前有徵於後郭太傳後遭母喪有至孝稱班昭傳作女誡七篇有助內訓淮南汜論篇一世之閒而文武代爲雌雄有時而用也春秋繁露

仁義法篇潞子之於諸侯無所能正而春秋予之有義其身正

也此類之有竄同以義又詩臨下有赫潛夫論引作臨下以赫

有猶甯也

此義釋詞不載

左傳宣十五年雖然城下之盟有以國斃不

能從也杜注甯以國斃是訓有爲甯也三年天祚明德有所底

止言甯所至止也襄十一年死吾父而專於國有死而已吾蔑

從之矣言甯死而已也

晉語死吾君而殺其孤吾有死而已義同

二十六年猶有鬼

神吾有餒而已不來食矣言吾甯餒也論語無求生以害仁有

殺身以成仁言甯殺身也趙策彼則肆然而爲帝過而遂正於

天下則連有赴東海而死耳言連甯赴海也漢書鄒陽傳回面

汗行以事諂諛之人而求親近左右則士有伏死堀穴巖藪中

耳言士甯伏死也

有猶雖也

此義釋詞不載

有與惟互相爲訓惟與雖古同義而互用故

左傳宣十五年受命以出有死無實說苑奉使篇敘次解揚言作受君命以出雖死無二康誥有厥罪小乃不可不殺集傳訓曰雖其罪小僖十五年必報德有死無二昭十五年有死命而無二心哀十六年若將專利以傾王室不顧楚國有死不能文十七年敝邑有亡無以加焉成十六年甯事齊楚有亡而已蔑從晉矣言雖死雖亡也六年雖不可入多俘而歸有罪不及死言雖罪不至死也昭三年張趯有知其猶在君子後乎言趯雖知也二十一年司馬以吾故亡其良子死亡有命吾不可以再亡之言彼之死亡雖命吾卻不可再亡其子也詩匏有苦葉濟有深涉上有字雖也下句有字以也言匏雖苦葉不材濟水可